



TOSHKENT DAVLAT YURIDIK UNIVERSITETI REKTORINING B U Y R U G ' I

08.05.2023

278-tm-son

Talabalar safidan chetlashtirish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksida belgilangan qoidalarini qo'pol tarzda buzish holatlari kuzatilmoqda.

Xususan, Fayzullayev Sherzod Shuxrat o'g'li Toshkent davlat yuridik universiteti Jinoiy odil sudlov fakulteti 3-kurs talabasi bo'la turib, o'zida yuksak huquqiy madaniyatni shakllantirib, namunali xulq-atvorga ega bo'lishning o'rniga telegram ilovasida bir guruh noma'lum shaxslar tomonidan fuqarolarning sha'ni va qadr-qimmatini qasddan kamsitib sharmanda qilib kelayotgan "HELLO TASHKENT, SALAM TASHKENT" kanaliga a'zo bo'lgan hamda ushbu axloqsiz telegram kanalning mana shunday behayo va jirkanch xizmatidan foydalanish va bir shaxsni jamiyatda sharmanda qilish, obro'sini to'kish maqsadida ongli ravishda 2023-yil 4-aprel kuni o'ziga tegishli bo'lgan shaxsiy telegram akkaunti orqali "HELLO TASHKENT, SALAM TASHKENT" telegram kanalining muhokama guruhiga universitetning Xalqaro huquq va qiyosiy huquqshunoslik fakulteti 2-kurs talabasi Uktamova Shaxlo Shuxrat qiziga tegishli Instagram sahifasini (sh_uktamova) rasmlari bilan birga yuborib "Её сливы кому есть куплю" deb yozib qoldirgan.

Talaba Sh.Fayzullayevning ushbu so'roviga asosan "HELLO TASHKENT, SALAM TASHKENT" kanal adminlari talaba Uktamova Shaxlo Shuxrat qizining Instagram sahifasiga kirib, uning rasmlarini ko'chirib olib, qayta ishlash orqali behayo va uyatli holatga keltirib "HELLO TASHKENT, SALAM TASHKENT" kanaliga joylab kelishgan hamda uning shaxsini behurmat qilish uchun turli uyatsiz so'zlar bilan haqorat qilgan.

Bundan tashqari, "HELLO TASHKENT, SALAM TASHKENT" kanali adminlari tomonidan nafaqat talaba Sh.Uktamovaning o'zi, balki, uning onasi, otasi va singlisining ham rasmlari mazkur kanalda behayo tarzda qayta ishlanib va tasvirlanib, sharmanda qiluvchi izohlar bilan birgalikda qo'yilgan.

Talaba Sh.Fayzullayev ushbu harakatlar natijasida talaba Sh.Uktamovaning universitetda izzat-nafsi toptalib, ko'pchilik talabalar o'rtasida sharmanda bo'lishiga va chuqur ruhiy-stress holatiga tushishiga, shuningdek, ushbu holatdan xabardor bo'lgan insonlar orasida unga nisbatan turli shubha va gumonlar paydo bo'lishiga erishgan.

Talaba Sh.Fayzullayev o'zining yuqoridagi xatti-harakatlari bilan O'zbekiston Respublikasi "Ta'lim to'g'risida"gi Qonunining 48-moddasi birinchi qismi beshinchi xatboshisi (ta'lim-tarbiya jarayoni ishtirokchilarining sha'ni, qadr-qimmati va ishchanlik obro'sini hurmat qilishi), Toshkent davlat yuridik universiteti Odob-axloq kodeksi 14-moddasi birinchi qismi birinchi xatboshisi (o'z harakatlarini universitet manfaatlarini ko'zlab amalga oshirish, uning imidjini saqlash va oshirish, universitet, uning xodimlari, talabalari va doktorantlari nomi va manfaatlariga ziyon yetkazadigan harakatlarni amalga oshirmaslik, shuningdek, ular bilan muloqot qilganda hamda ijtimoiy tarmoqlardagi yozishmalarida o'zlarining namunali xulq-atvori bilan universitet haqida yuksak ijobiy taasurot uyg'otish), birinchi qismi ikkinchi xatboshisi (universitet, uning xodimi, talaba va doktorantlari haqida haqiqatga to'g'ri kelmaydigan yoki noto'g'ri talqin qilingan, noto'g'ri talqin qilish uchun imkon beradigan ma'lumotlarni tarqatmaslik, bunday ma'lumotlar tarqalishiga yo'l qo'ymaslik, shuningdek, jamoat oldida va ijtimoiy tarmoqlarda bu mavzuda chiqishlar qilmaslik), birinchi qismi uchinchi xatboshisi (xodim, talaba va doktorantlarning roziligisiz ularning shaxsiy hayotiga oid ma'lumotlarni oshkor qilmaslik), birinchi qismi to'rtinchi xatboshisi (xodim, talaba va doktorantlar haqida ularning kasbiy va o'quv faoliyatiga oid bo'lmagan ma'lumotlarni aniqlashtirmaslik), 16-moddasining birinchi qismi beshinchi xatboshisi (xodim, talaba va doktorantlarga jismoniy, ma'naviy yoki moddiy zarar yetkazish), ikkinchi qismi (xodimlar, talabalar va doktorantlar tomonidan universitetning ishchanlik obro'si, qadr-qimmati va nufuzini tushiradigan, ta'lim jarayonining ma'naviy buzilishiga olib keladigan, behayo va ishqiy sahnalarni namoyon qiladigan fotosuratlar, video va audioyozuvlardan foydalanish va ularning tarqatilishiga yo'l qo'yilmaydi) hamda 26-moddasi ikkinchi qismi birinchi xatboshisi (qonun hujjatlari va mazkur Kodeks talablariga rioya etish)da ko'rsatib o'tilgan qoidalarni buzgan.

Yuqoridagilarni inobatga olib, O'zbekiston Respublikasi Vazirlar Mahkamasining 2021-yil 10-iyundagi 359-son qarori bilan tasdiqlangan Toshkent davlat yuridik universitetida ta'limning kredit-modul tizimida o'quv jarayonini tashkil etish tartibi to'g'risidagi Nizomning 43-bandi to'rtinchi xatboshisi, Toshkent davlat yuridik universitetining Ichki tartib qoidalari (ichki mehnat tartibi qoidalari)ning 83-bandiga asosan hamda universitet Odob-axloq komissiyasining 2023-yil 14-apreldagi 23-son yig'ilish bayoniga muvofiq,

B U Y U R A M A N:

1. Toshkent davlat yuridik universiteti Odob-axloq komissiyasining 2023-yil

14-apreldagi 23-son yig'ilish bayoni ma'lumot va ijro uchun qabul qilinsin.

2. Universitetning Jinoiy odil sudlov fakulteti 3-kurs talabasi Fayzullayev Shuxrat Sherzod o'g'li talabalar safidan chetlashtirilsin.

3. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq mazmun-mohiyatini talabaning shaxsini siq saqlagan holda talabalar e'tiboriga yetkazilishi va har bir akademik guruhda keng muhokama qilinishini ta'minlasin.

3. Jinoiy odil sudlov fakulteti dekani (D.Kamalova) mazkur talabaning shaxsiy hujjatlar yig'majildiga buyruq nusxasi tikilishini ta'minlasin.

4. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin.

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA



Kelishildi:

Bosh buxgalter

M.PARPIYEV



Direktor

X.PIRMEDOVA



Katta yuriskonsult

A.TURSUNOV



Boshqarma boshlig'i

S.BOZAROV



Bo'lim boshlig'i

S.RAJABBOYEV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Direktor

SH.PO'LOTOV

